

Draig Goch



Red Dragon

Faslane 365

Eich Cyfle chi i Stopio Trosedd Ryngwladol



Paul Peter Piech

Mae Faslane 365 wedi dechrau!

Ar Hydref 1af, lansiodd grwp o'r Greenham Common and Aldermaston Women's Peace Camp(aign), ar y cyd â'r grwp Women in Black, brotest flwyddyn drwy greu blocâd yn safle arfau niwclear Trident yn Faslane am 3 diwrnod – gyda cherddoriaeth, danwsio, gwau a baneri lliwgar.



Faslane 365

ym'r prosiect gwrthsafiad sifil sy'n anelu at ddwyn pwysau cyhoeddus o bob cwr o Brydain, Ewrop, a gweddill y byd, i ddiarfogi Trident.

Mae grwpiau o bobl gyffredin wedi penderfynu creu blocâd o flaen y ganolfan am o leiaf un cyfnod o ddau ddiwrnod yr un mewn cyfnod o ddeuddeng mis. Y gobaith yw y bydd hyn yn creu blocâd heddychlon parhaus yn safle Trident yn Faslane.

Mae grwpiau o Gymru wedi ymrwymo eu hunain i gasglu cymaint o bobl â phosibl at ei gilydd i fanteisio ar y cyfle hwn i wneud gwahaniaeth a chymryd camau i stopio Trident.

Bydd llawer o bobl eisiau cymryd rhan yn Faslane 365 am resymau moesegol, i atal gwastraffu adnoddau a sicrhau dyfodol mwy diogel ar gyfer eu plant a'u hwyrion ac wyresau, a bydd eraill yno am resymau amgylcheddol, neu am eu bod yn credu bod llawer gwell ffyrdd o ddefnyddio arian y trethdalwyr.

Ers hynny, mae dros 50 o grwpiau mor amrywiol â 'Beicwyr', Crynwyr, grwp Nordig, y Blaid Werdd, Clerigwyr o Iona a grwp Stop the War wedi, neu wrthi yn, cynllunio i greu blocâd ar safle Faslane am 48 awr. Mae Faslane 365 yn gyfle i unrhyw un sy'n pryderu am y sefyllfa ymuno â ni, i fynegi eu hanfodlonrwydd am arfau niwclear Prydeinig ac i roi diwedd ar Trident.

Mae grwp o bobl ifanc o Sir Benfro ymysg y rhai o Gymru sy'n bwriadu mynd yno.

Pam ddim chi?

Draig Goch - Red Dragon

Mae pob grup yn blocedio Faslane am 2 ddiwrnod.

Bydd grwp De a Chanolbarth Cymru yn gadael Cymru noson y 12^{fed} i gymryd rhan yn y blocâd ar y 13^{eg} a 14^{eg} o Dachwedd.

Bydd grwp Gogledd Cymru yn blocedio ar y 14^{eg} a 15^{fed} o Dachwedd. Bydd y ddau grwp yn 'gorgyffwrdd' ar y 14^{eg} o Dachwedd.

Os ydych chi'n ymgyrchydd gweithredu uniongyrchol profiadol, neu erioed wedi gwneud y math yma o beth o'r blaen, byddem yn falch iawn o'ch cael chi yno gyd ni.

Os ydych chi eisiau mwy o wybodaeth, neu'n gallu rhoi'ch amser am ddau ddiwrnod, anfonwch eich manylion atom (gweler isod). Bydd y cydlynwyr yn anfon cysylltiadau, cyngor a gwybodaeth atoch chi, dros e-bost os yn bosibl, ond os nad ydych chi arlein, rydym yn dal i fod eisiau i chi gymryd rhan.

Pobl gyffredin ydym ni o bob math o gefndiroedd: brodyr a chwiorydd; rhieni a neiniau a theidiau.

Ymunwch â ni!

Bydd bysys neu fysys mini yn mynd â chefnogwyr o Dde, Canolbarth a Gogledd Cymru. Bydd grup De a Chanolbarth Cymru yn gadael Cymru ar y dydd Sul (12^{fed} Tachwedd) ac yn dychwelyd ar y nos Fawrth. Bydd grup Gogledd Cymru yn gadael ar ddydd Llun y 13^{eg} o Dachwedd ac yn dychwelyd ar y nos Fercher. Mae opsiynau llety yn cael eu trefnu. Byddwn angen tua £35 ar gyfer pob person fydd yn cymryd rhan, i helpu talu costau. Nid ydym eisiau i unrhyw un deimlo nad ydynt yn gallu cymryd rhan am resymau ariannol, ac rydym yn gobethio y bydd pobl eraill yn noddi'r rhai sy'n gallu mynd ond sy'n methu â'i fforddio (gweler isod).

Yr unig beth rydym ei angen yw chi.

Mae angen i bawb sy'n cymryd rhan fod ag ymrwymiad i weithredu uniongyrchol di-drais ar y mater hwn. Mae hyn yn golygu agwedd bositif, parch at eraill, a hunanddisgyblaeth o ran peidio â defnyddio cyffuriau ac alcohol. Rydych chi'n gyfrifol amdanoch chi eich hun, nid oes unrhyw un yn eich rheoli chi, a byddwn i gyd yn cadw golwg ar ein gilydd. Does dim rhaid i bobl ymrwymo eu hunain i gael eu harestio hyd yn oed. Beth am feddwl am ffyrdd o 'addurno'r' safle, neu syniadau theatrical, gwreiddiol eraill? Dewch â'ch cerddi a'ch caneuon!
Fe allwn ni fod y ddraig goch - gwisgwch rywbeth coch!

'annerbyniol o ddrud, economaidd wastraffus a milwrol ansicr.'

Gordon Brown am Trident, Adroddiad Swyddogol, 19 Mehefin 1984

Manteisio ar y cyfle – Dweud Na i Arfau Niwclear

Mae arfau niwclear yn arfau llofruddiaeth a distryw mawr. Trident yw gwarth Prydain ac nid yw'n aml yn cael ei drafod na'i grybwyll yn gyhoeddus.

Gall cael digon o bobl yn defnyddio eu hawlio i brotestio'n heddychlon, drwy rwystro gweithgareddau yn Faslane, helpu tynnu sylw at Trident.

Mae hwn yn gyfle i hysbysu'r cyhoedd a'n ffrindiau a chymdogion am fodolaeth ac anghyfreithlondeb yr arfau hyn, eu diffyg pwrpas yn yr oes wedi'r rhyfel oer a'u cost aruthrol ar draul gwariant cyhoeddus ar iechyd, addysg a gwasanaethau cyhoeddus eraill.



'Rhaid i'r byd anelu at gael gwaharddiad ar feddiant a defnydd o arfau niwclear, yn yr un modd ag y mae gwaharddiadau ar arfau biolegol a chemegol.

Rhaid i bob gwladwriaeth – hyd yn oed y pwerau mawr – baratoi i fyw heb arfau niwclear ac arfau distryw eraill.'

Hans Blix, cyn arolygydd arfau niwclear, Cadeirydd y Comisiwn Arfau Dinistr Torfol

Materion Cyfreithiol

Bydd pawb sy'n mynychu yn poeni o fewn rheswm am eu hawliau i brotestio, a'r hyn fydd yn digwydd os byddant yn cael eu harestio. I gynnig cefnogaeth ac amddiffyniad, mae Grup Llywio Faslane 365 wedi sefydlu Gweithgor Cefnogi Cyfreithiol i gynnig cyngor a chefnogaeth i grwpiau sy'n blocedio. Bydd briffiau cyfreithiol hefyd ar gael.

Llety

Mae amrywiaeth o lety ar gael yn yr ardal, o safleoedd gweryslla neu neuaddau eglwys i 'Travel Lodges'. Mae rhai grwpiau hyd yn oed yn ystyried opsiwn rhatach - cysgu dan y sêr! Bydd y pwyllgor trefnu yn trefnu llety, ond dim ond ar ôl cael cadarnhad y byddwch chi yno y gallwn ni wneud hyn. Anfonwch ateb yn syth fel y gallwn ni archebu lle i chi. Mae gwybodaeth ar gael ar gyfer y rhai sydd eisiau trefnu eu llety eu hunain, neu ewch i www.faslane365.org.

Mae cyfarfodydd briffio a gweithdai yn cael eu cynnal yng Ngogledd, Canolbarth a De Cymru. I gael gwybod mwy, defnyddiwch y rhestr gysylltu isod.

Cysylltiadau

Os oes gennych chi ddi-ddordeb mewn cymryd rhan, cysylltwch cyn gynted â phosibl.

Gogledd Cymru:

Phil Steele 01248 490 715

phil_steele@btinternet.com

Canolbarth Cymru:

Del Harris 01974 831 575

coney@gn.apc.org

De Cymru:

Martin Fitton 02920 481 791

martin@ffitton.wanadoo.co.uk

Mwy am Faslane 365:


www.faslane365.org

Lluniau a map o Faslane:

www.tridentploughshares.org/article989

CND Cymru: 01495 773 180

heddwch@cndcymru.org



Ffyrdd eraill o gefnogi Faslane 365

Mae Datganiad o Gefnogaeth ar gyfer Faslane 365 wedi cael ei arwyddo gan dros 40 o wleidyddion etholedig, 27 o enillwyr gwobr Right Livelihood a 3 enillydd Gwobr Heddwch Nobel, ymysg llawer mwy, gan gynnwys ysgrifenydd, academyddion, cyfreithwyr ac arweinwyr crefyddol. Gweler: www.faslane365.com

Ymunwch â ni, hyd yn oed os na allwch chi ddod:

- * Cynnig cymorth ariannol. Noddwch ymgyrchydd Faslane 365, yn llawn neu'n rhannol. Anfonwch roddion i: Faslane 365, c/o 72, Heol Gwyn, Yr Alltwen, Pontardawe, SA8 3AN. Gwnewch sicciau'n daladwy i: *Môr Di-Niwclear*.
- * Anogwch bawb i gymryd rhan yn Nhráfodaeth Fawr CND am Trident - gweler gwefan y drafodaeth: www.bigtridentdebate.org.uk
- * Ysgrifennwch i'ch papur lleol yn dweud wrthynt am y grwpiau Faslane 365 o Gymru, beth a pham y maent yn ei wneud a'ch rhesymau chi am eu cefnogi.
- * Ysgrifennwch at eich AS/AC/ASE yn gofyn iddynt lofnodi'r Datganiad o Gefnogaeth i Faslane 365 (gweler www.faslane365.org) neu i ddiolch iddynt os ydynt eisoes wedi gwneud hynny – helpwch i wneud Trident yn fater etholiadol!
- * Ystyriwch ymuno â grwp arall Faslane 365 o fewn y flwyddyn nesaf (gweler www.faslane365.org)

Gorchymyn Faslane 365

Rhaid i Trident gael ei ddigomisiynu a dylai'r llywodraeth lunio amserlen ar gyfer datgymalu'r arfau, ynghyd ag ymrwymiad i beidio â datblygu unrhyw arfau niwclear newydd.

Faslane 365

Datganiad o Gefnogaeth

Fel pob arf distryw mawr, mae Trident yn anghyfreithlon dan gyfraith ryngwladol, ac yn fradychiad llwyr o'n hunaniaeth. Yn absenoldeb unrhyw wir fwriad gan y wladwriaeth i ddiarfogi

Rwyf i/mae'r sefydliad hwn yn cymeradwyo ac yn cefnogi'r rhai sy'n ymateb i'r erchyllter hwn drwy weithredu'n heddwchlon ar ffurf gwrthsafiad sifil, gan gynnwys amharu'n ddi-drais ar safle llong danfor Trident yn Faslane drwy flocedio.

Ar gyfer unigolion.

Dyddiad:-

Llofnodwyd gan:-

Enw, cyfeiriad, e-bost, proffesiwn a swydd yr **unigolyn** sy'n llofnodi:-

Ar gyfer Sefydliadau.

Dyddiad:-

Llofnodwyd gan:-

Statws yn y Sefydliad:-

Enw, cyfeiriad, e-bost, a gwefan y Sefydliad:-

Llofnodwch ble bo'n briodol a dychwelwch drwy e-bost i reforest@gn.apc.org neu ei bostio i:- Faslane 365, Valley Farmhouse, East Runton, Cromer, Norfolk, NR27 9NP, Lloegr.

Gallwch hefyd lofnodi'r Datganiad hwn ar-lein yn www.faslane365.org

Trident – anfoesol, anghyfreithlon a drud

Mae pedair llong danfor niwclear wedi'u lleoli yn Faslane, gydag un ar batrôl 24 awr ac yn barod i danio ar unrhyw adeg.

Mae pob llong danfor yn cario hyd at 16 o daflegrau Trident II D5, ar les gan yr UDA.

Mae 3 arfben niwclear wedi'u gosod ar bob taflegryn, a gall pob llong danfor gario hyd at 48 o arfbennau.

Gellir anelu pob arfben at wahanol dargedau, gydag arweiniad gan loerennau'r UD.

Mae pob arfben 8 gwaith yn fwy pwerus na'r bom a ollyngwyd ar Hiroshima, Siapan yn 1945, a laddodd 100,000 o bobl ar unwaith. Mae gan bob llong danfor yr un gallu dinistriol â 384 o fomiau Hiroshima.

Mae Llywodraeth Prydain eisoes yn gweithio ar arfau i gymryd lle system arfau niwclear oedrannus y Trident – er gwaetha'r ffaith y bydd

- * yn costio biliynau o bunnoedd o arian cyhoeddus
- * yn cadw arfau niwclear yn yr Alban nes o leiaf 2055
- * yn torri cyfraith rhyngwladol
- * yn tansilio cytundebau rheoli arfau rhyngwladol
- * yn annog lledaeniad arfau niwclear, ac er gwaetha'r ffaith
- * nad yw wedi cael ei drin na'i drafod yn y Senedd.

Trident – yn groes i gyfraith rhyngwladol

Yn 1996, barnodd y Llys Cyfiawnder Rhyngwladol: "y byddai bygwth neu ddefnyddio arfau niwclear yn groes i reolau cyfraith rhyngwladol sy'n berthnasol i wrthdaro arfog, ac yn benodol egwyddorion a rheolau cyfraith ddyngarol".

Mewn geiriau eraill, byddai unrhyw ymosodiad niwclear yn anghyfreithlon, oni bai y gellid ei weithredu o fewn cyfyngiadau'r gyfraith ddyngarol, sef sefyllfa sy'n amhosibl i'r rhan fwyaf o bobl ei dychmygu.

'Arfau niwclear, biolegol a chemegol yw'r arfau mwyaf creulon sy'n bodoli. Maent wedi'u cynllunio i frwychu ac i ddinistrio, ac yn nwylo gweithredwyr gwladwriaeth neu anwladwriaethol, gallant achosi dinistr ar raddfa llawer mwy nag unrhyw arf confensiynol, ac mae eu heffaith yn llawer mwy eang a pharhaol'

Y Comisiwn Arfau Distryw Mawr

'A ellid cael bygythiad mwy dychrynlyd, yn y byd sydd ohoni, nag arfau niwclear neu fiolegol yn nwylo terfysgwyr, neu'n cael eu defnyddio gan Wladwriaeth, o ganlyniad i rwy gamddealltwriaeth neu gamsyniad ofnadwy? Po fwyaf o Wladwriaethau sydd ag arfau o'r fath, y mwyaf yw'r perygl. A, po fwyaf y bydd y Gwladwriaethau hynny yn parhau i ychwanegu at eu harsenal, neu'n mynnu bod arfau o'r fath yn hanfodol i ddiogelwch eu cenedl, y mwyaf y bydd Gwladwriaethau eraill yn teimlo bod yn rhaid iddynt hwythau eu cael, er eu diogelwch eu hunain.'

Kofi Annan, Ysgrifennydd Cyffredinol y Cenhedloedd Unedig

Trident - yn groes i drefniadau rhyngwladol

- * Byddai diarfogi niwclear yn galluogi Prydain i gyflawni ei rwymedigaeth 35 mlynedd i ddiarfogi niwclear dan Erthygl VI y Cytundeb Atal-Lledaenu Niwclear (NPT) sy'n nodi: "Mae pob Plaid i'r Cytundeb yn ymrwymo i gynnal trafodaethau mewn ewyllys da ar fesurau effeithiol yn ymwneud â darfyddiad y ras arfau niwclear yn gynnar a diarfogi niwclear, ac ar gytundeb i ddiarfogi cyffredinol a chyfan dan reolaeth rhyngwladol gaeth ac effeithiol".
- * Yn 2004, dadleuodd arbenigwr cyfreithiol awdurdodol o Matrix Chambers y byddai adnewyddu'r Cytundeb Amddiffyn Golyddol (MDA) gyda'r Unol Daleithiau yn golygu y byddai Prydain yn torri amodau'r Cytundeb Atal-Lledaenu Niwclear (NPT) yn glir.
- * Yn 2005, pwysleisiodd Llywodraeth Prydain yr "ymrwymiad clir" a wnaeth gyda 188 o wladwriaethau eraill yn 2000, pan gafodd y Cytundeb Atal-Lledaenu Niwclear ei adolygu "i gyflawni'r dasg o gael gwared yn gyfan gwbl ar eu harsenal niwclear, gan arwain at ddiarfogiad niwclear". Ac eto, pan gawsant y cyfle, nododd y Llywodraeth yn syth ei fod yn ffafrio prynu, dosbarthu a defnyddio cenhedlaeth arall o arfau niwclear.

